

Ո Ր Ո Շ ՈՒ Մ N 64/1
/վարչական տույժ նշանակելու մասին/

«18» հունվարի 2022թ.

ք. Երևան

Հայաստանի Հանրապետության պետական եկամուտների կոմիտեի Արարատյան մաքսատուն-վարչության պետի ժամանակավոր պաշտոնակատար Աղասի Աղայանս, քննելով «Սոնիմ» ՍՊ ընկերության Հայաստանյան մասնաճյուղ առանձնացված ստորաբաժանման (ՀՎՀՀ՝ 02826428, հասցեն՝ ք. Երևան, Կենտրոն, Վ. Սարգսյան փող. 10) տնօրեն Սիմոն Բիտտոնիի (անձնագիր՝ YA5196093, 05.12.2013 Ա.Գ.Ն) նկատմամբ հարուցված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

«Սոնիմ» ՍՊ ընկերության Հայաստանյան մասնաճյուղ առանձնացված ստորաբաժանման անվամբ թիվ 05100010/281220/0087112 ապրանքների հայտարարագրով «Ժամանակավոր ներմուծում (թույլտվություն)» մաքսային ընթացակարգով հայտարարագրվել են ապրանքներ մինչև 28.11.2021 թվականը, սակայն սահմանված ժամկետում նշված ապրանքները չեն արտահանվել կամ ձևակերպվել այլ մաքսային ընթացակարգով, որի արդյունքում խախտվել է հետադարձ արտահանման պարտավորությունը:

ՀՀ ՊԵԿ Արարատյան մաքսատուն-վարչության գլխավոր մաքսային տեսուչ-իրավաբանի կողմից 05.01.2022 թվականին «Սոնիմ» ՍՊ ընկերության Հայաստանյան մասնաճյուղ առանձնացված ստորաբաժանման տնօրեն Սիմոն Բիտտոնիի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտման հատկանիշներով:

Մաքսային կանոնների խախտման վերաբերյալ գործի քննությունը նշանակվել է 18.01.2022 թվականին ժամը 12:00-ին, ինչի անցկացման վայրի և ժամանակի մասին ծանուցումը փոստային առաքմամբ ուղղակվել է «Սոնիմ» ՍՊ ընկերության Հայաստանյան մասնաճյուղ առանձնացված ստորաբաժանման գտնվելու հասցեով:

Համաձայն սահմանային էլեկտրոնային կառավարման տեղեկատվական համակարգում առկա տվյալների՝ Սիմոն Բիտտոնին 29.11.2021 թվականից մեկնել է Հայաստանի Հանրապետությունից, ուստի ղեկավարվելով ՀՀ մաքսային օրենսգրքի 219-րդ հոդվածի 2-րդ մասի կանոնակարգումներով՝ «Սոնիմ» ՍՊ ընկերության Հայաստանյան մասնաճյուղ առանձնացված ստորաբաժանման տնօրեն Սիմոն Բիտտոնիի նկատմամբ հարուցված մաքսային կանոնների խախտման վերաբերյալ գործի քննությունն իրականացվել է վերջինիս բացակայությամբ:

ԵԱՏՄ մաքսային օրենսգրքի 219-րդ հոդվածի 1-ին մասի համաձայն՝ «Ժամանակավոր ներմուծում (թույլտվություն)» մաքսային ընթացակարգն օտարերկրյա ապրանքների նկատմամբ կիրառվող մաքսային ընթացակարգ է, որին համապատասխան այդ ապրանքները ժամանակավոր գտնվում և օգտագործվում են Միության մաքսային տարածքում, պահպանելով ապրանքներն այդ մաքսային ընթացակարգով ձևակերպելու և այդ մաքսային ընթացակարգին համապատասխան

դրանք օգտագործելու պայմանները՝ ներմուծման մաքսատուրքերի, հարկերի մասնակի վճարմամբ և առանց հատուկ, հակազնագցման, փոխհատուցման տուրքերի վճարման կամ առանց ներմուծման մաքսատուրքերի, հարկերի վճարման և առանց հատուկ, հակազնագցման, փոխհատուցման տուրքերի վճարման:

ԵԱՏՄ մաքսային օրենսգրքի 220-րդ հոդվածի 2-րդ մասի 1-ին կետի համաձայն՝ ապրանքների՝ «Ժամանակավոր ներմուծում (թույլտվություն)» մաքսային ընթացակարգին համապատասխան օգտագործման պայմաններից է «Ժամանակավոր ներմուծում (թույլտվություն)» մաքսային ընթացակարգի՝ մաքսային մարմնի կողմից սահմանված գործողության ժամկետի պահպանումը:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

«Սոնիմ» ՍՊ ընկերության Հայաստանյան մասնաճյուղ առանձնացված ստորաբաժանման անվամբ թիվ 05100010/281220/0087112 ապրանքների հայտարարագրով հայտարարագրված ապրանքները «Ներքին սպառման համար բացթողում» մաքսային ընթացակարգով հայտարարագրելու դեպքում մաքսային վճարներ չափը կկազմի 4,797,574 ՀՀ դրամ (մաքսատուրք՝ 1,240,752 ՀՀ դրամ, ԱԱՀ՝ 3,556,822 ՀՀ դրամ):

Այսպիսով, վարույթի նյութերով հիմնավորվում է, որ «Սոնիմ» ՍՊ ընկերության Հայաստանյան մասնաճյուղ առանձնացված ստորաբաժանման տնօրեն Սիմոնե Բիտտոնին սահմանված ժամկետում չի ապահովել թիվ 05100010/281220/0087112 ապրանքների հայտարարագրով «Ժամանակավոր ներմուծում (թույլտվություն)» մաքսային ընթացակարգով հայտարարագրված ապրանքների արտահանումը, ինչով պայմանավորված թույլ է տվել ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտում:

Ելնելով վերոգրյալից և ղեկավարվելով ՀՀ մաքսային օրենսգրքի 13-րդ բաժնով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 199-րդ հոդվածի 1-ին մասով նախատեսված մաքսային կանոնների խախտում կատարելու համար «Սոնիմ» ՍՊ ընկերության Հայաստանյան մասնաճյուղ առանձնացված ստորաբաժանման տնօրեն Սիմոնե Բիտտոնիին ենթարկել վարչական պատասխանատվության՝ տուգանելով **2,398,787 ՀՀ դրամ**:
2. Որոշման մասին իրազեկել «Սոնիմ» ՍՊ ընկերության Հայաստանյան մասնաճյուղ առանձնացված ստորաբաժանման տնօրեն Սիմոնե Բիտտոնիին՝ պարզաբանելով, որ ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն նույն օրենսգրքի 222-րդ հոդվածի 2-րդ մասի՝ կարող է բողոքարկվել վերադաս մաքսային մարմին (պաշտոնատար անձին) կայացնելուց հետո 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:
3. Որոշմամբ նշանակված տուգանքի վճարման հաշվեհամարն է **900005024055-ը** (**ՀՀ պետական բյուջե, կենտրոնական գանձապետարան, Արարատյան մաքսատուն-վարչություն, ԿՈՂ 27**):

ԱՐԱՐԱՏՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏԻ Ժ/Պ



Ա. ԱՂԱՅԱՆ